



Greefewahn.

„Günnowend aah, do dhun ehr jo
Schun fescht beisamme sitze;
's isß bescht, mer dhut bei dem Geschäft
Doch wenigstens net schwiße.
Wasß dagsdurch em es Lewe bringt,
Grimmer un eniwwer,
Am Feierowend e frisch Glas Bier,
Do geht halt doch nix drimwer.

Do isß mr doch aah wirrer Mensch
Un wääß daß mr dhut lewe;
Gemiehdlicher sich's nerjends baast
Als wammer's Glas kann hewe.
Do kammer iwer Bolidid
Aah wirrer dischbediere,
Un wasß draus in de Weld vorgeht,
Dhut aah em indressiere.

Doch, hänn ehr's Meischde schun geheert?
Der reiche Amerikaner,
Der drowe sich des Schleppe baut
Glei newerm Füllb, 'm Bahnjer,
Den muschten se geschdern Dwend jo
Noh Klingeminschder dhue,
So hott der Mensch sich uffgefehrt,
Seiⁿ Maul wollt gar net ruhe."

„Was de net sahst? Mer werdd doch heit
Vun allerlääh befallē,
Was hat dann dem gefehlt, daß er
Seiⁿ Maul konnt nimmi halle?“
„Was? Greesewahn hott er gehatt,
Awer nix weider blaudre,
Er hott sich eiⁿgebild, er meer
De Babbel-Mayer vun Laudre.

